

INUIT ATAQATIGIIT INATSISARTUNI



UPA 2024/161 & 97

23.04.24.

Peter Olsen

Nioqqutissanik eqqussuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaannut siunnersuut

(Aningaasaqarnermut Akileraartarnermullu Naalakkersuisoq)

Nioqqutissanik eqqussuinermi akitsuutit pillugit Inatsisartut inatsisaata allangortinnissaanut, taamaasilluni tipigissaatit, pinneraatit eqqiluisaarnermullu atortut eqqussinnermut akitsuutaat (Akitsuutit normuat 090) peerneqarluni, Naalakkersuisut siunnersuummik saqqummiussaqaarnissaannik piumaffigineqassasut Inatsisartut aalajangiiffigisassaattut siunnersuut.

(Inatsisartunut Ilaasortaq Nivi Olsen, Demokraatit)

Oqaaseqaat:

Inuit Ataqatigiit partiuunngiunngilagut akitsuusersuinissamik pingaartitsisut anguniagaqartullu partiiat. Inuit Ataqatigiit akitsuusersuiniaannarluni akitsuusersuisartut parteerinngilaat.

Illuatungaaniilli sapinngisaq tamaat naapertorlugu akitsuusersuisarnerup appassinnerpaaffianiitinneqarnissaanik Inuit Ataqatigiit siunertaqarlutalu anguniagaqartuuvugut; Soorlutaaq nunatsinni innuttaasut akornanni, inuuniarnikkut atugassarititaasut tungaatigut sukcut tamatigut oqilisaaffigineqartuarnissaannik Inuit Ataqatigiit pingaartiteqartuullutalu anguniagaqartuusugut.

Pisariaqanngitsumik akitsuusersuinissamik Inuit Ataqatigiit siunertaqanngilagut. Qinigigaaffimmilu uani kingullermi neriorsuutitta ilagisimavaat akitsuutinik eqqussorneqarsimasumik atorunnaarsitsiortornissaq.

Naluneqanngitsutut qinigaaffimmi kingullermi 2019-mi sukcut, tupat aamma najoqqagassat aalakoornartortallit akitsuusersorneqarput. Uagut akitsuusersuinermi tassani peqataanikuunngilagut.

Naluneqanngitsutullu akitsuusersuinermi akisusaasusut taamani tassapput Siumut, Demokraatit aamma Nunatta Qitornai.

Taamaattumik nuannersuuvuq pitsaasuuvorlu siornatigut partii akitsuusersuisuunikuusimagaluartut Inuit Ataqatigiit peqatigalugit massakcut akitsuutinik piiallutillu akitsuutaasunik apparsaaqataanialemmata.

Uani suliassatsinni Naalakkersuisut aammalu Nivi Olsen Demokraatit assipalugiittunik siunnersuuteqarput, tassalu; nioqqutissanik eqqussuinermi akitsuutit pillugit Inatsisartut inatsisaata allangortinnissaanut, taamaasilluni tipigissaatit, pinneraatit eqqiluisaarnermullu atortut

eqqussuunneqarnerannut akitsuutaat atorunnaarseqqullugu. Naalakkersuisulli ingerlaqqillutik ilanngullugu sodavandit, lemonadit mineralvandinullu akitsuutaasup 7.50,- isup 5.75,-mut appartinneqarnissaanik aamma siunnersuuteqarput, pingajussaattullu qummoroortartunut akitsuutaasup 100%-miit 50 %-mut appartinneqarnissaanik siunnersuuteqarlutik.

Inuit Ataqatigiinniit nuannaarutigalugu iluarisimaarparput qinigaaffimmi uani neriorsuutigisimasatta ilaannik anguniakkatsinnillu Naalakkersuisut piviusunngortitsillattaalermata.

Tassalu akitsuutinik piaaneq apparsaanerlu. Tamanna Inuit Ataqatigiit nuannaarutigaarput pitsaasutullu isigaarput.

Taamaattumik naatsumik oqaatigalugu; tipigissaatinut, pinnersaatinut, eqqiluisaanermullu atortut akitsuutaasa atorunnaarsinneqarnissaannut aammalu sodavandit, lemonadit mineralvandinullu akitsuutaasup 7.50,- isup 5.75,-mut appartinneqarnissaanik Naalakkersuisut siunnersuutaat Inuit Ataqatigiinniit akuersaaratsigu oqaatigissavarput. Taamaattorli...

Qummoroortut akitsuutaanik Naalakkersuisut affaannanngortitsiniarnerat Inuit Ataqatigiinniit isumaqataaffiginnilarput aamma akuersaanngilarput. Aap, nalunngilarput innuttaasorpasuarmit juullip kingorna, ukiutoqqami, kunngit pingasuni, immaqalu ukiup ingerlanerani apersortittoornermi, nalliuttorsiornermi, pissartanngortoortoqaraangalluunniit qummoroortut nuannaarutigineqarlutik atorneqarluarnerat.

Taamaattorli aamma nalunngilarput pinngortitamut qanoq annertutigisumik mingutsitsisarnerat. Qummoroortatut pinngortitamik mingutsitsivallaarput. Qummoroortut pinngortitamut peqqinnanngillat ajoqutaappullu. Ulluinnarni pisariaqartinngilagut aammalu annerpaamik akissallit kisimik taakkuupput qummoroortartunik atuisartuusut.

Taamaattumik Inuit Ataqatigiit isumaqarpugut qummoroortut akitsuutaanik apparsaanissamut tunngavissaqarata. Taamaattumillu qummoroortut akitsuutaasa appartinneqarnissaat Inuit Ataqatigiinniit akuersaanngilarput.

Illuatungaaniillu aningaasat nunatta karsiata annaasassaralui 1.5 mio.kr-nit allamut pitsaanerusumut atorneqarnissaat Inuit Ataqatigiinniit kissaatigaarput. Soorlu pitsaaliunermit, meeqqanut, eqqumiitsuliornermit imaluunniit timersornermit 1.5 mio.kr atorneqarnissaat Inuit Ataqatigiinniit kissaatigaarput aamma siunnersuutigerusupparput.

Nivi Olsen Demokraatit siunnersuutaa itigartipparput Naalakkersuisut akissuteqaataat imaattoq innersuussutigalugu;

“Naalakkersuisut akileraartarnermik aqqissuuseqqinnerat ukiut arlallit ingerlassaaq. Aaqqissuuseqqinnermit tunngavigisatut isumaqatigiissummiippat ukiuni takkuttussani taakkunani siunnersuutinik saqqummiunneqartussanut tunngavissiissussat suliassat aamma aaqqissuuseqqinnermi illinerit arlallit. Naalakkersuisut isumaqatigiissummi tunngavigisat malillugit aaqqissuuseqqinnerup atuutilernissaa, aammalu isumaqatigiissummi malitassarititaasut tulleriarinerit nakkutigeqqissaarniarpaat. Tamanna tunngavigalugu aalajangiiffigisassatut siunnersuutip itigartinneqarnissaa inassutigineqarpoq, suliassaqarfimmi pilersitassamik Naalakkersuisut namminneq ingerlataqareermata.

Qujanaq

Peter Olsen

Inuit Ataqatigiit.